

Kriteriji za dodjelu jednokratne pomoći iz interventnog Fonda solidarnosti

Fond solidarnosti je interventni fond Fondacije tuzlanske zajednice. Fond je način da iskažemo solidarnost jedni prema drugima, da gradimo međusobno povjerenje i da budemo aktivni u borbi protiv siromaštva. Sredstva iz Fonda solidarnosti dodjeljuju se kao interventa sredstva za pomoć našim sugrađankama/sugrađanima koji se nalaze u stanju socijalne potrebe. Fond djeluje kao urgentni fond koji sa malim intervencijama tokom godine ublažava posljedice ličnih i opštih nedaća koje su zadesila pojedince ili zajednicu, a koje ugrožavaju život pojedinca i porodica, stavljajući ih u stanje socijalne potrebe.

Materijalna pomoć koja je proizašla iz Fonda solidarnosti je privremena, jednokratna novčana pomoć ili naturalno davanje materijalno neosiguranim licima ili porodicama koje se nadu u stanju socijalne potrebe uslijed teškoća izazvanih različitim okolnostima.

Vrijednost donacije određuje se u svakom posebnom slučaju, a ne može biti veća od 30% prosječne plate u FBiH za pojedinca i 50% za porodicu, osim u izuzetnim slučajevima o kojima odlučuje Komisija za dodjelu sredstava.

Uslovi apliciranja

Sredstva iz Fonda mogu se distribuirati na inicijativu korisnika ili na inicijativu direktorice FTZ. Građani/ke mogu se prijaviti za pomoć i podršku iz Fonda tokom godine u momentu kada je potreba nastala, a uzrokovana je posebnim nepovoljnim prilikama koje su je/ga dovele na rub egzistencije.

Postupak apliciranja za pojedince:

- Lice koje aplicira našlo se u stanju socijalne potrebe koje ugrožava njegov život ili život članova njegove porodice, a uzrokovane su trenutnim nepovoljnim dešavanjima.
- Zahtjev za podršku podnosi se na obrascu FTZ, a koji se može dobiti na zahtjev.
- Zahtjev podnose najmanje tri lica od kojih jedan može biti primalac pomoći, a drugi je predstavnik Savjeta mjesne zajednice u kojoj korisnik živi.
- FTZ zaprima zahtjeve za podršku od strane Savjeta mjesne zajednice u kojoj korisnik živi.
- Osobe koje podnose zahtjev odgovorne su ispravnost navedenih podataka u zahtjevu.

Direktorica Fondacije može donijeti odluku da se sredstva iz Fonda aktiviraju u slučaju elementarnih nepogoda i drugim situacijama koje su zajednicu stavile u nepovoljan položaj. U tim situacijama uspostavlja se saradnja sa relevantnim institucijama koje rukovode aktivnosti na rješavanju problema u zajednici (Centar za civilnu zaštitu, Centar za socijalni rad, Crveni Križ i sl). Nadležne institucije dostavljaju spiskove pojedinaca koji su ugroženi uslijed elementarne nepogode i kojima je potrebna pomoć. Konačnu odluku o dodjeli pomoći donosi Komisija za dodjelu sredstava.

Kriteriji za bodovanje

1. Težina i priroda socijalne potrebe
2. Visina sredstava potrebnih za ublažavanje socijalne potrebe
3. Hitnost slučaja,
4. Socijalno-materijalni status